

黃氏逸書考



蘇氏通志



通緯

逸書考

河圖

甘泉黃奭學

元氣闔陽爲天

御覽一後漢書方術傳注書鈔百四十九引叶光篇

在天爲日月在地爲水火

開元占經五

𠂔德布精上爲眾星

文選范蔚宗後漢書光武紀贊注御覽七

地赤如丹血流沆沆

占經四

日月五星同道過牽牛女虛危室壁奎婁胃
昂皆行其南去之九尺畢北七尺觜參北一
丈三尺貫東井出鬼南六尺出柳北六尺出

七星張北一丈三尺出翼軫北一丈三尺貫
角亢出氐南二尺出房左右股間出心北二
尺出尾北九尺出箕北六尺貫南斗復至牛
此日月五星常道也

占經五又見十一

天元十一月甲子朔半夜日月俱起牽牛初
度推厯考宿正月在營室二月在奎三月在
胃四月在畢五月在東井六月在柳七月在
翼八月在角九月在房十月在尾十一月在
斗十二月在婺女

同上

天无雲而日不見三日爲大喪必有滅亡占
六

日兩足庶雄起

同上

日割分國

同上

日夜出是謂陰明割剖國分

同上

日並照月不消山吐泉火林燒

同上

兩日照天下民飢

同上

日月兩重暈者飢之祥也

御覽三十五

日三蝕三雄謀日四蝕四夷謀

占經九

日青黑左旁蝕云臣之害

同上

日蝕盡者王位也不盡者大臣位也近期三

月遠期三年

同上

日蝕而交暈貫日中兩軍爭後者勝將死之

同上

凡日蝕皆於朔晦有不於晦朔者爲日薄雖

非日月同宿時陰氣盛掩日光也

晉書天文志中引河

圖占曰薄也其說曰云云

蟾蜍去月天下大亂

占經十一

爾雅翼三百

月生齒主見欺

占經同上

地淪月散必有立王

同上

月乘大陵天下盡喪星眾兵革起死人如邱
山星希則無

占經十四引河圖占

歲星之精流爲天棓天槍天猾天衝國皇及
登蒼彗熒惑散爲昭旦蚩尤之旗昭明司危
天欖赤彗填星散爲五殘獄漢大賁昭星絀
流旬始蚩尤虹蜺擊咎黃彗太白散爲天杵
天柎伏靈大敗司姦天狗天殘卒起白彗辰

星散爲枉矢破女拂樞滅寶繞紆驚理大奮
祀黑彗五色之彗各有長短曲折應象

晉書
天文

志太白散爲天狗

南齊書天文志下

歲星帥五緯聚房青帝起太白帥五緯聚參
白帝起辰星帥五緯聚於北方七宿黑帝以
清平潔靜通明起辰星帥五緯聚營室黑帝
起

占經十九

王者土德旺則鎮星吐彩木星助之年和民
樂土德衰則金來相犯填星少光時則有水

旱兵戎之憂

占經二十二

山崩海竭填星受尅金旺土衰兵起國危蓋
土畏金尅金自制土兩不相生久角必有一
傷故將軍見此必加意慎之

同上

歲星守尾三十日有逆殺上者兵起軍馳

占經

二十四

歲星逆行守東壁者成鉤已其君赦令不明
人心不寧未能害上故也

同上

歲星犯守昴大臣有坐法死者津關吏憂人

民飢多食草皮

同上

熒惑守尾穀不收天下苦水民飢不安其居
若守之兩月色黃白歲太熟人主多喜事有
賜外戚爵土者一曰太子有喜若后妃得勢
貴人受封

占經三十二

熒惑入南斗退而復犯犯之一日卽退大臣
有免退者期不出八十日若宰相行德政忠
君愛國可以解咎

占經三十三

熒惑入南斗去之一尺臣背其主若兵起國

中期一年 同上

災惑犯危人民驚惶奔走不遑安息天下多

散亡者 同上

災惑逆行入奎天下重武輕文人民不安 占經

三十四

災惑犯胃中蝗蟲爲災五穀大傷小麥半收

六畜疫死若出胃左又犯胃右百姓流離莫

處其鄉 同上

災惑犯守昴民病寒熱時疫流行人多死者

棺木大貴若布帛貴大人有憂

同上

熒惑犯畢南有口舌事若佞臣讒害大臣一

曰臣謀其主兵在外則戰流血滂沱若絕糧

散亡

同上

填星與太歲同行在地必有地動山崩之事

占經三十八

填星出入不行其次其國不可舉事用兵若

背之大凶

同上

太白從天關關梁所出入貴人多死

占經五十一

大白犯心後星亂臣在旁

續漢天文志中注

辰星入奎有大水之災又曰大臣下獄

占經五十

六

辰星入東井有暴兵馬牛貴

占經五十七

辰星犯輿鬼爲國有憂大臣誅

同上

氐宿宮后女之貴府出入露寢之宿

占經六十

氐星發卽至有土功事氐爲天庭氐主疫

同上

昂星行疾其年米貴民乏呼難之糧

占經六十二

昂星芒動强鄰奪地人主有死亡者

同上

南方屬朱雀之神其屬六十星合一百九度
太微垣亦屬南宮氣象離明炎帝之所主祝
融之所司律中仲呂固以火德爲王而仲夏
之月日在東井鶉首之次實爲七神之所始
占經六十三

柳宿天子內庫之地出入金錢盈絀所係

同上

柳星發卽有土木之役

同上

軫星疏散宮女多逃亡

同上

軫星發明雨水調和五穀倍收

同上

二十八宿各有行度牽牛女虛危奎壁胃昂
諸宿皆行日月之南去其度九尺畢之北七
尺參之北一丈三尺貫井出鬼南六尺出柳
北八尺出七星張北一丈三尺行翼軫北一
丈三尺貫角行氐南二尺行房左右股間心
北二尺行尾北九尺箕北六尺行南斗復至
牛日月之行度卽星之次舍行度流星俱失
之故反其常

占經七十一

彗星者天地之旗也

文選羽獵賦注

彗星出貫奎庫兵悉出禍在強侯外夷胡應

逆首謀也

續漢天文志中注

枉矢東流天下恐

御覽八百七十五

流星犯填星中央不出三十日大水齊城郭

田廬俱浸壞民去鄉土

占經七十二

流星犯亢天下大旱河水枯竭若陰星犯之

大水

占經七十三

流星入犯房在其陽馬多肥盛五穀大熟在

其陰兵革驟起車騎散出

同上

流星入犯心國有大災若多旱憂

同上

流星犯昴國有憂喪若大臣出亡

同上

流星犯畢人主有疾

同上

流星犯輿鬼在鉞鑕者將相誅死貴臣廢斥

同上

客星入亢大吏奉命察獄分行四方

占經七十六

客星犯入天駟車駕遠出御馬空廐太僕以

馬疲廋降罰謫戍

同上

客星入犯心前星其色明赤奸臣有陰謀太